

**Suliffeqarfinnut ukiumoortumik naatsorsuutit pillugit inatsimmut
ilaasunut nunani tamalaani naatsorsuuserinermi pitsaassusiliussanik
IFRS-imik atuinissaat pillugu Kalaallit Nunaannut nalunaarut
(IFRS-imik nalunaarut)**

Ukiumoortumik naatsorsuutit pillugit inatsimmi, kunngip peqqussutaa nr. 625, 23. juni 2008-meersukkut Kalaallit Nunaannut atuutsinneqalersumi, kunngip peqqussutaa nr. 487, 15. maj 2018-meersukkut allanngortinneqartumi § 137, imm. 4, aamma § 164, imm. 4 naapertorlugit aalajangersarneqarpoq:

Atorneqarfia il.il.

§ 1. Nalunaarut suliffeqarfinnut, ukiumoortumik naatsorsuutit pillugit inatsimmut, kunngip peqqussutaatigut Kalaallit Nunaannut atuutsinneqalersumut ilaasunut atorneqassaaq, tak. inatsimmi tassani § 1, taakku nunani tamalaani naatsorsuuserinermut pitsaassusiliussat atorneqarnissaat pillugu Rådip peqqussutaa malillugu nunani tamalaani naatsorsuuserinermut pitsaassusiliussat EU-Kommissionip akuersissutigisai aamma ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 137 malillugit ukiumoortumik imaluunniit piginneqatigiiffissuarmut naatsorsuusiortarpata.

§ 2. Ukiumoortumik naatsorsuutit pillugit inatsimmi aalajangersakkani pissutsit nunani tamalaani naatsorsuuserinermut pitsaassusiliussani EU-kommissionimit akuersissutigineqartuni assiigiissut maleruagassaqaartitaappata, suliffeqarfiit § 1-imi taaneqartut inatsimmi aalajangersakkat pinnagit pitsaassusiliussat atussavaat. Tamatuma saniatigut ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi aalajangersakkat suliffeqarfinnut taakkununga atuutissapput pisariaqartitamik tulluarsarnertalerlugit, tak. inatsimmi § 137, imm. 3, nalunaarullu manna.

§ 3. Ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi aalajangersakkat suliffeqarfimmit atorneqassatillugit, suliffeqarfiup minnerpaamik naatsorsuuserinermi klassiliusaaq, suliffeqarfiup inatsimmi § 7 malillugu ilaaffigisaminut aalajangersakkat malissavai.

Imm. 2. Ukiumoortumik nalunaarusiap imarisassat EU-Kommissionip nunani tamalaani naatsorsuuserinermut pitsaassusiliussani piumasaqaatigalugit akuersissutigisimasaasa saniatigut naatsorsuuserinermi klassiliusanut ataasiakkaanut tamanut imarisassaataasut minnerpaamik imarissavai, tak. ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 18, oqaaseqatigiit siulliit aamma aappaat, § 22, imm. 1, oqaaseqatigiit siulliit aamma aappaat, § 78, imm. 1 aamma 2, aamma § 102, imm. 1 aamma 2.

Ilanngullugu naatsorsuineq, naliliineq kiisalu paasissutissiinissamut piumasaqaatit aalajangersimasut

§ 4. Ilanngullugu naatsorsuuserinermi, naliliinermi kiisalu paasissutissiinissamut piumasaqaatini aalajangersimasuni ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 16-imi, § 17, imm. 1, oqaaseqatigiit aappaanni pingajuannilu, § 19, imm. 2-4-mi, § 20, imm. 1-imi, § 21, imm. 1 aamma 2-mi, § 22, imm. 3-mi, §§ 23-67 a-mi, § 69, imm. 3-mi, § 78, imm. 7-imi, §§ 80-87, imm. 1-imi, §§ 87 a - 94-imi, §§ 94 b-95 a-mi, § 96, imm. 1-imi, § 97-imi, § 98 a-mi, § 98 c-mi, § 98 d-mi, § 103-mi, § 113, imm. 4, oqaaseqatigiinni siullerni pingajuannilu, §§ 114 aamma 115-imi, § 116, imm. 2-mi, §§ 117-125-mi, § 126, imm. 4, 5 aamma 7-imi, § 127, imm. 2, nr. 3-mi aalajangersakkat kiisalu inatsimmut ilanngussaq 2-mi inissitsiterinermut immersugassat atornagit, nunani tamalaani

naatsorsuuserinermut pitsaassusiliussanut EU-Kommissionip akuersissutigisaani aalajangersakkat atorneqassapput.

Imm. 2. Aalajangersakkat imm. 1-imi taaneqartut eqqaassanngikkaanni, ukiumoortumik naatsorsuutit pillugit inatsit, kunngip peqqussutaatigut Kalaallit Nunaannut atuutsinneqalersoq, pisari-aqartitanik tulluarsarnertalerlugu atorneqassaaq. Ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi aalajangersagaq, suliffeqarfiup kingorna malittussaasaa aalajangersakkamut imm. 1-imi ilaasumut innersuutitaqarpat, aalajangersagaq tulluarsarnertalimmik atorneqassaaq, taamaasilluni innersuussineq nunani tamalaani naatsorsuuserinermut pitsaassusiliussani aalajangersakkamik imaluunniit aalajangersakkanik EU-Kommissionimit akuersissutigineqartunit, pissutsinik pineqartunik maleruagassaqaqtitsisunik taar-serneqarluni, taamaattoq tak. § 5, imm. 1.

§ 5. Uanset § 4 apeqqutaatinnagu, suliffeqarfiit akunnattumik angissusillit, naatsorsuuterinermi klassi C-mut ilaasut kaaviiartitat ilanngaaseriikkat ukiumoortumik tallimanut takussutissiamut ilanngutinnagissinnaavaat, tak. ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 101, imm. 1, nr. 1, aamma imm. 2, oqaaseqatigiit aappaat, aamma inatsimmi § 32 naapertorlugu.

Imm. 2. Naatsorsuuserinermut pitsaassusiliussanik EU-Kommissionimit akuersissutigineqartunik atuinermi, ukiumoortumik tallimanut takussutissiami kisitsisit pingaarnert aalajangiisullu tulluarsarneqarnissaat piumasagaataannngilaq, tak. ukiumoortumik naatsorsuutit pillugit inatsimmi, kunngip peqqussutaatigut atuutsinneqalersumi § 101, imm. 1, pitsaassusiliussani taaneqartuni tamatumunnga piumasagaatit ilanngullugit. Taamaappat kisitsisit assersuutaasut tulluarsarneqanngippata ukiumoortumik tallimanut takussutissiamut atatillugu tamanna eqqaaneqassaaq, naatsorsuusereriaatsimik allanngineq kisitsisinut assersuutaasunut tamanna qanoq sunniuteqarsimanersoq eqqartorneqarluni.

Eqqortumik takutitsinissamut il.il. tunngaviusumik piumasagaatit kiisalu nassuiaatit

§ 6. Eqqortumik takutitsinissamut il.il. tunngaviusumik §§ 11-13-imi piumasagaatit, kiisalu ukiumoortumik naatsorsuutit pillugit inatsimmut, kunngip peqqussutaatigut Kalaallit Nunaannut atuutsinneqalersumut ilanngussaq 1-imi nassuiaatit, aalajangersakkanut suliffeqarfiit inatsit malillugu malittussaasaannut atorneqassapput. Tunngaviusumik piumasagaatit nassuiaatillu assigisaat nunani tamalaani naatsorsuuserinermut pitsaassusiliussani EU-Kommissionip akuersissutigisimasaanniittut, aalajangersakkani suliffeqarfiit pitsaassusiliussani taaneqartuni malittussaasaanni atorneqassapput.

Pissamaatinik aalaakkaatitsineq

§ 7. Ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 41, imm. 3-mi, aamma § 43 a, imm. 5-imi pissamaatinik aalaakkaatitsineq pillugu aalajangersakkat qummut naleqqussaannut naleqarnerulersitsinernullu assigisaanik atorneqassapput, taakku nunani tamalaani naatsorsuuserinermut pitsaassusiliussat, EU-Kommissionip akuersissutigisimasaani aalajangersakkat malillugit suliarineqarsimappata.

Imm. 2. Naliliutinik qummut naleqqussaannut naleqarnerulersitsinernullu allanut imaluunniit pisussaaffinnik ammut naleqqussaannut aamma nalikilliliinernut allanut nunani tamalaani naatsorsuuserinermut pitsaassusiliussat EU-kommissionimit akuersissutigineqartut malillugit suliarineqartunut, ukiumoortumik naatsorsuutit pillugit inatsit, kunngip peqqussutaatigut Kalaallit Nunaannut atuutsinneqalersor malillugu inerteqquutaasunut, inatsimmi § 41, imm. 3 assigisaanik atorneqassaaq.

Imm. 3. Ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 35 a-mi, § 35 b, imm. 2 aamma 3-mi, § 35 c kiisalu § 83, imm. 2-mi aalajangersakkat assigisaanik atorneqassapput.

Imm. 4. Piginneqatigiiffissuarmut naatsorsuutit suliarineqarneranni imm. 1-3 atorneqassanngillat.

Piginneqatigiiffissuarmut naatsorsuutit saqqummiunnissaannut pisussaaffik

§ 8. Ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi aalajangersakkat nassuiaatillu, suliffeqarfiup piginneqatigiiffissuarmut naatsorsuutit suliarinninnissamik pisussaaffeqarnerata aalajangernissaanut atorneqassapput.

Imm. 2. Nunani tamalaani naatsorsuuserinermut pitsaassusiliussat EU-Kommissionimit akuersissutigineqartut, suliffeqarfiit sorliit akiliisinnaassuseqalernissamut pisussaaffeqarnerisa aalajangernissaannut atorneqassapput.

Kattunneq avissaarnerlu

§ 9. Suliffeqarfiit kattunnerinut avissaarnerinulluunniit atatillugu naatsorsuusinermit uppersaaitit allakkianik suliarinninnermut atatillugu ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi §§ 129 aamma 130-mi aalajangersakkat atorneqassapput, inatsisit malillugit imaluunniit isumaqatigiissuteqarnikkut kattunnermut avissaarnermullu atatillugu naatsorsuuserinermut uppersaaitit allakkiat suliarineqangippata. Uppersaaititulli allakkiani taakkunanani naliliutit pisussaaffiillu ataasiakkaat ilanngullugit naatsorsornerini nalilersornerinilu nunani tamalaani naatsorsuuserinermut pitsaassusiliussat EU-Kommissionimit akuersissutigineqartut atorneqassapput. Aammattaaq ukiumoortumik nalunaarusiap suliarineqarnissaa siunertaralugu tigusinermit oqimaaqatigiissitsinerup suliarineqarnerani oqaaseqatigiit aappaanni pitsaassusiliussat taaneqartut assigisaanik atorneqassapput.

Pineqaatissiinerit

§ 10. Nalunaarummik matuminnga unioqutitsinermit akiliisitsineq eqqartuussutigineqassaaq, Kalaallit Nunaanni pinerluttulerinermut inatsit malillugu allamik pineqaatissinneqarluni pisuuti-taasimangikkaanni.

Imm. 2. Aktianik piginneqatigiiffik, piginneqatigiiffik, andelselskabi assigisaaluunniit (inatsisigut pisinnaatitaasut pisussaataasullu) unioqutitsisuuppata, piginneqatigiiffik pineqartoq akiliisitaanermut taamatut ittumut akisussaataasinnaapput.

Atuutilerfia

§ 11. Nalunaarut ulloq 1. juli 2018 atuutilerpoq.

Imm. 2. Nalunaarut ukiumut naatsorsuiffissumut 1. juli 2018-imi kingusinnerusukulluunniit aallartittumut sunniuteqarpoq.

Imm. 3. Suliffeqarfiit ukiumoortumik naatsorsuutit pillugit inatsimmut ilaasut nunani tamalaani naatsorsuuserinermut pitsaassusiliussanik atuinissat pillugu Kalallit Nunaannut nalunaarut (IFRS-imik nalunaarut) nr. 776 af 10. juli 2008-meersoq atorunnaarsinneqarpoq.

Erhvervsstyrelsi, ulloq 29. maj 2018

HENNING STEENSIG

/ Henrik Davidsen